

Ի ՊԱՇՏՊԱՆՈՒԹԻՒՆ ԳԵՏԱՇԷՆԻ, ՄԱՐՏՈՒՆԱՇԷՆԻ, ՀԱՅԱՍՏԱՆԻ

ԿՈՆԳՐԵՍԱԿԱՆՆԵՐԻ ՆԱԽԱԶԵՌՆՈՒԹԻՒՆԸ

Կոնգրեսականներ Դելիդ Դրեյլը (Հանրապետական, Քալիֆորնիա) եւ Մերուին Դիմալլին (Դեմոկրատ, Քալիֆորնիա) հանդես են եկել մի շարք նախաձեռնություններով իբրեւ հակադարձութիւն «Գորբաչովի ժամանակաշրջանի մեծագոյն փլուզումին»: Նրանք, Ներկայացուցիչների Տան անդամներին փոխանցել են խիստ ռճով գրուած մի նամակ, որի մէջ խստիւ բնադատում է Գետաշէնի, Մարտունաշէնի գրատուը խորհրդային գործերի կողմից, յայտնում է Հ.Յ.Դ. Միացեալ Նահանգների Հայ Դատի Յանձնախումբը:

Իրենց նամակի մէջ երկու կոնգրեսականները Ներկայացուցիչների Տնից պահանջում են կատարել հետեւեալ հիմնական երեք բայերը.

Առաջին, Կոնգրեսի կողմից մի նամակ ուղղել նախագահ Գորբաչովին «պահանջելով բռնությունների անմիջական դադարեցումը, զգուշացնելով, որ նման դէպքերի շարունակման պարագայում խորհրդային Միութեանն ուղղուած ամերիկեան օժանդակությունները կարող են հարցականի տակ առնուել»:

Երկրորդ, Կոնգրեսի կողմից մի նամակ ուղարկել նախագահ Բուշին, «նրանից պահանջելով, որ դատապարտի բռնությունները եւ Գորբաչովի հետ նախատեսուած բարձրաստիճան հանդիպում չունենալ այնքան ժամանակ, մինչեւ որ խորհրդային ուժերը վերջ չդնեն պաշարումին, չհեռանան Հա-

յաստանից եւ չվերացնեն խորհրդային Միութիւնից անջատել ուզող այս հանրապետութեան դէմ ցցուած արգելները:

Երրորդ, «Կոնգրեսի կողմից որդեգրել այնպիսի մի որոշում, ըստ որի խորհրդային Միութեան ժողովուրդներին տրամադրուելիք ամերիկեան բոլոր օժանդակությունները կատարել հանրապետական կառավարությունների մակարդակով, այնքան ժամանակ, քանի դեռ խորհրդային զինուած ուժերը բռնարարներ են գործադրում անկախութեան համար պայքարող հանրապետությունների դէմ:

Նշենք, որ Հ.Յ.Դ. Հայ Դատի Յանձնախմբի նախաձեռնութեամբ արդէն իսկ 9 կոնգրեսականներ իրենց ձայնը բարձրացրել են մարդու իրաւունքների եւ ժողովրդավարական ազատությունների այս ոտնահարումների դէմ: Այդ կոնգրեսականներն են՝ Ֆրանք Աննունցիոն (Դեմոկրատ, Իլլինոյս), Դելիդ Բոնիորը (Դեմոկրատ, Միչիգան), Թոմ Դիլեյը (Հանրապետական, Տեխաս), Դելիդ Դրեյլը (Հանրապետական, Քալիֆորնիա), Մերուին Դիմալլին (Դեմոկրատ, Քալիֆորնիա), Ռիչարդ Լեմոնը (Դեմոկրատ, Քալիֆորնիա), Կարլոս Մուրհեդը (Հանրապետական, Քալիֆորնիա), Ֆրանք Փելլէնը (Դեմոկրատ, Նիւ Ջերսի) եւ Դանա Ռոհրաքախըրը (Հանրապետական, Քալիֆորնիա):

ԿԱՆԱԴԱՑԻ ՊԱՏԳԱՄԱԻՈՐԻ ՆԱՄԱԿԸ

Կանադայի Նոր ժողովրդավար (ընկերվար) կուսակցութեան անդամ, պատգամատր Սվենդ Ջ. Ռոբինսոնը Մայիսի 2ին դիմել է Կանադայի Արտաքին Գործերի նախարարին եւ Կանադայում խորհրդային դեսպանին, արտայայտելով իր մտահոգութիւնը հայկական Գետաշէն եւ Մարտունաշէն գիւղերում խորհրդային եւ ազերի ուժերի գործողութիւնների հետեւանցով տեղի ունեցած ջարդերի մասին:

Նշուել է, որ հայերի տները այրուած են, գիւղացիներ սպանուած, վիրատրուած կամ պատանդ են վերցուած: Ռոբինսոնը պահանջեց խորհրդային դեսպանին -կուսակցութեան եւ կանադացիների մտահոգութիւնը փոխանցել Խորհրդային Միութեան կենտրոնական իշխանութիւններին, յատկապէս Ներքին Գործերի նախարարին, որի ուղղակի հրամանատարութեան տակ գործում են խորհրդային եւ ազերի ուժերը: Երկխօսութիւնը եւ ոչ թէ բիրտ ուժը պէտք է լուծի Լեռնային Ղարաբաղի հարցը:-

Կանադայի Արտաքին Գործերի նախարարից Ռոբինսոնը պահանջեց -կանադացիների մտահոգութիւնը արտայայտել բիրտ ուժի այս վերջին գործողութիւնների առիթով:-